



AKCIJA DAMASK Po naredbi Tužilaštva BiH obavljeni pretresi i hapšenja

SIPA uhapsila Bosnića 15 vehabija zbog teror


Uhapšeni osumnjičeni da su počinili krivična djela finansiranja, poticanja te vrbovanja za terorističke aktivnosti • Uhapšen i otac Emraha Fojnice • Pronađena veća količina naoružanja

Državna agencija za istrage i zaštitu (SIPA) jučer je na nekoliko lokacija u BiH uhapsila 16 osoba osumnjičenih za terorističke aktivnosti, saopćeno je iz Tužilaštva BiH. Akcija kodnog naziva „Damask“ provedena je po naredbi Državnog tužilaštva, a u njoj je učestvovalo više od 200 policijskih službenika.

Od ranog jutra SIPA je u Sarajevu, Zvorniku, Bužimu, Zenici, Tesliću i okolici Maglaja obavljala pretrese, uz veliku pažnju domaćih medija. Svi oni su zadržani, a naknadno će biti odlučeno o njihovoj predaji Tužilaštvu, za šta je rok 72 sata.

Poziv na ratišta

Medu uhapšenim osobama bh. javnosti je najpoznatiji Bilal Bosnić iz Bužima, koji se smatra jednim od vođa radikalne zajednice. On je i ranije u javnosti dovođen u vezu s pozivima za odlazak na ratišta u Siriji i Iraku. Protoklog vikenda u intervjuu italijanskom listu



Uhapšeni prilikom jučerašnjeg privođenja u SIPA-u

„La Repubblica“, koji su prenijeli mnogi svjetski mediji, skrenuo je na sebe pažnju izjavivši da se za terorističku Islamsku državu bori i 50 Italijana u čijem je regrutiranju učestvovao.

Kod uhapšenih pripadni-

ka vehabijskog pokreta pronađena je i velika količina naoružanja i municije te druge vojna oprema, zatim propagandni materijali, kompjuteri i oprema, mobilni telefoni, SIM kartice i drugi predmeti, saopćila je SIPA. Osim Bosnića, SIPA je uhapsila i Hamdu Fojnicu, oca Emraha Fojnice, koji je početkom avgusta poginuo u Iraku, najvjerojatnije počinivši samoubilački napad.

Slobode su, prema nezvaničnim informacijama našeg lista, lišeni i Eduard Durguti, Fikret Zukić, Senad Hukić, Muhamed Džerahović, Mirza Kapić, Sedin Huseinović, Emin Hodžić, Adem Kara-

muja, Safet Brkić, Ibro Delić, Enes Mešić, Sedin Huseinović, Avduh Hasanović, Jasmin Jašarević i Elvir Muratović, koji je ranije bio privođen zbog pisanja prijetećih poruka na internet-portalima. SIPA je objavila samo inicijale uhapšenih.

Navedene osobe, kako je izjavila Kristina Jozić, policijska službenica SIPA-e, sumnjice se da su počinile krivična djela finansiranja terorističkih aktivnosti, javnog poticanja na terorističke aktivnosti, vrbovanja radi terorističkih aktivnosti, organiziranja terorističke grupe, a sve u vezi s krivičnim djelom terorizma.

Osumnjičene osobe dovođe se u vezi s finansiranjem, organiziranjem i vrbovanjem bh. državljana za odlazak u Siriju i Irak te učestvovanjem u oružanim sukobima u Siriji i Iraku, boreći se na strani radikalnih terorističkih grupa i organizacija kao što su IDIŠ, ISIL/Islamska država, „Jabhat al-Nusra“ i druge rekla - rekla je Jozić.

17 lokacija

Hapšenja, pretresi i pregled terena izvedeni su na 17 lokacija na području Sarajeva, Kiseljaka, Zenice, Maglaja (Ošve i Gornja Bočinja), Srebrenika (Gornja Maoča), Zvornika, Bužima i Teslića.

Podnesene tri krivične prijave

U okviru rada na ovom predmetu, SIPA je u prethodnom periodu Tužilaštva BiH podnijela i tri izvještaja o počinjenom krivičnom djelu i izvršiocima protiv više osoba zbog postojanja osnova sumnje da su počinile krivično djelo

organiziranja terorističke grupe, vrbovanja radi terorističkih aktivnosti i javnog poticanja na terorističke aktivnosti. Osobe protiv kojih su podnesene izvještaji trenutno se nalaze van BiH i za njima je raspisana potjernica.

REPORTERI NA LOKACIJAMA PRETRESA

Zvornik

Hasanović ima radnju za mobitele

U akciji „Damask“ privođen je i Avduh Hasanović, povratnik u Šetiće kod Zvornika. On je prije nekoliko mjeseci s bratom otvorio radnju za prodaju i popravke mobilnih telefona i računarske opreme u Zvorniku.

Zvorničani s kojima smo razgovarali iznenađeni su hapšenjem braće, jer, osim što su nosili kraće brade i šire pantalone, nisu na bilo kakav način, kako kažu, „pokazivali radikalno ponašanje“.



Avduh Hasanović: Jedan od privođenih

M. B.

Tulice kod Kiseljaka

Huseinović nedavno došao iz Sirije

U akciji „Damask“ pripadnici SIPA-e su u selu Tulica kod Kiseljaka uhapsili i Sedina Huseinovića. Kako su ekipi „Dnevnog avaza“ ispricale njegove komšije, ispred Huseinovićeve kuće rano jutros primijećen je crni kombi iz kojeg su izašli pripadnici SIPA-e i odveli ga.

Nedavno se on vratio s ratišta iz Sirije. Obradio je bradu koju je dugo imao - upozorio nas je jedan od njegovih komšija.



Otac Sedina Huseinovića ispred kuće (Foto: F. Foča)


E. T.

Sarajevo

Porodica Elvira Muratovića u šoku

U naselju Briješće u Sarajevu slobode je lišen i Elvir Muratović (35). Njegov brat Emir kazao nam je da ne razumije zašto su pripadnici SIPA-e odveli njegovog brata.

- U ovoj državi samo pustiš bradu i odmah si terorista. Policija mi je upala u kuću i pred očima njegove djece s puškama uprenim u njega izveli su ga iz kuće. Tražili su telefone, knjige, pa imam i ja telefone, knjige, CD-ove, što i mene nisu odveli - pita se brat Emir.



Elvirin brat Emir: Što i mene nisu odveli

E. T.


široj države

i još izma

Tuča u Maoči

Tokom jučerašnjih pretresa i hapšenja u Gornjoj Maoči, kako je javio FTV, došlo je do međusobnog fizičkog obračuna između pripadnika vehabijjskog pokreta.

(Foto: M. Dragojević)



Bosnić: Radikal iz sjeverozapadne Bosne

- SIPA od početka izbija- nja oružanih sukoba u Siriji i Iraku kontinuirano prikuplja informacije i saznanja koji se odnose na odlazak bh. državljana na sirijsko i druga strana ratišta. Aktivnosti su provedene u okviru zakonom propisanih nadležnosti i u skladu s obavezama koje proizilaze iz Strategije i Akcionog plana za prevenciju i borbu protiv terorizma - rekla je Jozić.

Akcija hapšenja vehabija izvedena je u saradnji s pripadnicima Obavještajno-sigurnosne agencije BiH, MUP-om RS, Policijom Distrikta Brčko, MUP-ovima Zeničko-dobojskog, Tuzlanskog, Unsko-sanskog i Sarajevskog kantona. **M. AŠČIĆ**

Američki predsjednik o pogubljenju novinara



Naš je cilj jasan: oslabiti i uništiti Islamsku državu tako da ona više ne bude prijetnja ni Iraku ni regiji ni Sjedinjenim Američkim Državama, rekao je Barack Obama (Barack) na konferenciji za novinare u glavnom gradu Estonije, Talinu.

Novi snimak

Obama je kazao da je užasnut ubistvom američkog novinara Stivena Sotlofa (Steven Sotloff) te dodao da će pravda biti zadovoljena, javlja Reuters. Teroristi IS-a jučer su objavili novi snimak brutalne egzekucije, zaprijetivši da će nastaviti ubijati. - Štagod ubice misle da su ostvarile ubijajući nevine

Amerikance poput Stivena, oni su već pogriješili. Oni su pogriješili jer, poput većina naroda širom svijeta, Amerikanci odbacuju barbarizam. Mi nećemo biti zastrašeni. Njihovi jezivi činovi samo će nas ujediniti kao zemlju i osnažiti će našu riješenost - izjavio je Obama.

Dodao je da je Islamska država vrlo ozbiljna prijetnja ne samo Iraku nego cijeloj regiji te da će potrajati dok je ne uspiju obuzdati. Naglasio je i da SAD neće biti zastrašene barbarskim djelima terorističke grupe koja se naziva Islamska država.

Obama je izjavio da je odrubljivanje glave „jezivi čin nasilja i mi ne možemo

ni zamisliti agoniju koju svi koji vole Stivena osjećaju upravo sada, naša zemlja žali skupa s njima“.

Stiže pravda

- Oni koji čine grešku nanoseći bol Amerikancima saznat će da mi nećemo zaboraviti, da je naš domet dugačak i pravda će biti zadovoljena - kazao je.

Obama je izjavio da je američka strategija da „pokuša osigurati da Islamska država ne bude aktuelna prijetnja regiji“. On je, međutim, upozorio da će za takvu strategiju trebati vremena i naporu te bliska saradnja s partnerima u regionu.

Zamjenik njemačkog ambasadora u BiH za „Avaz“

IS je prijetnja svima

Njemački pristup u borbi protiv Islamske države (IS) i njenih radikalnih pripadnika niti počinje niti se završava isporukom oružja, poručio je u izjavi za „Dnevni avaz“ Adrijan Polman (Adrian Pollman), zamjenik ambasadora Njemačke u Bosni i Hercegovini.

U ime ambasadora ove države u našoj zemlji, on je

istakao da „teroristička grupa Islamska država predstavlja smrtnu opasnost za stotine hiljada kršćana, jezida i muslimana“.

- Ako se terorističke grupe ne suzbiju, krhki red na Bliskom istoku strašno bi bio uzdrman i region bi se mogao naći u žarištu velikih razmjera. Posljedice bi bile nesagledive ne samo za susjedne zemlje nego i za

Evropu, a samim tim i za Njemačku. Prijetnji od IS-a nećemo se suprotstaviti samo humanitarnim sredstvima nego ćemo morati kurdske snage sigurnosti dovesti u stanje odbrane - upozorio je on osvrćući se na nedavnu raspravu u njemačkom parlamentu, Bundestagu, gdje je podržan vojni angažman Njemačke u Iraku. **S. N.**

Zenica

Kapić se hvalio da je išao u Siriju

U Zenici su obavljani pretresi i hapšenja na četiri lokacije, među kojima je i prigradsko naselje Drivuša, gdje je iz kuće u Sarajevskoj ulici odveden Mirza Kapić. Kako su nam rekly njegove komšije, živio je sam, nije imao porodicu. Prema njihovim navodima, hvalio se da je išao u Siriju, ali niko s njim nije bio blizak.

U Zenici su hapšenja provedena i u naselju Gradišće u centru grada. Uhapšeni su Eduard Durguti i Muha-



Kuća Kapića u Drivuši

med Džerahović. U Gornjoj Bočinji kod Maglaja uhapšen je Ibro Delić. Rodom je iz Željeznog Polja kod Zepča, ali je posljednjih nekoliko godina živio u Bočinji.

A. Dž.

Bužim

Bosnić živi sa četiri žene i 17 djece

Bilala Bosnića pripadnici SIPA-e probudili su nakon sabaha u njegovoj kući u Donjim Brigovima kod Bužima.

Prema nezvaničnim informacijama, pretres kuće u kojoj Bosnić živi sa četiri žene i 17 djece protekao je mirno. Tokom pretresa Bosnić je saradivao s pripadnicima SIPA-e. U trenutku hapšenja oko kuće se okupilo oko 50 osoba s vehabističkim obilježjima koje su pratile pretres. No, nije



Kuća Bosnića u Donjim Brigovima

(Foto: M. Dedić) bilo incidenta. Iz njegove kuće izuzeta je obimna dokumentacija. **M. D.**